



BOSNIA AND HERZEGOVINA
MINISTRY OF FOREIGN TRADE AND
ECONOMIC RELATIONS

Broj: 09-3-02-3022-4/16
Sarajevo, 24. 11. 2016. godine

Na osnovu člana 64. stav (1) tačka b), člana 70. stavovi (1),(2) i (3), te člana 89. stav (3) Zakona o javnim nabavkama („Službeni glasnik BiH“, broj 39/14), a u vezi sa članom 5. stav (2) tačka f) Pravilnika o uspostavljanju i radu komisije za nabavke („Službeni glasnik BiH“, broj 103/14), ministar vanjske trgovine i ekonomskih odnosa Bosne i Hercegovine donosi

O D L U K U

o izboru ponuđača za zaključivanje okvirnog sporazuma u predmetu nabavke usluga održavanja software: poljoprivredni registri - LOT 2

Član 1.

Okvirni sporazum za nabavku usluga– **održavanja software: poljoprivredni registri - LOT 2**, za potrebe Ministarstva vanjske trgovine i ekonomskih odnosa Bosne i Hercegovine (u daljem tekstu: Ugovorni organ) zaključuje se sa firmom Konzorcij „KING ICT“ d.o.o. Sarajevo – BiH i „KING ICT“ d.o.o. Zagreb - Hrvatska, na preporuku Komisije za javne nabavke.

Član 2.

Ponuđač iz člana 1. ove Odluke je jedini dostavio ponudu u iznosu od 40.775,90 KM, sa uračunatim PDV, koja je ocijenjena prihvatljivom.

Član 3.

Sa izabranim ponuđačem iz člana 1. ove Odluke će se zaključiti Okvirni sporazum na period od 12 mjeseci, koji će se realizirati dodjeljivanjem ugovora izabranom ponuđaču.

Član 4.

Za realizaciju ove Odluke zadužuje se Sektor za pravne i opće poslove, Odsjek za materijalno - finansijske poslove Ugovornog organa.

Član 5.

Ova Odluka stupa na snagu danom donošenja.

O b r a z l o ž e n j e

Ugovorni organ je 28.09.2016. godine, Odlukom o pokretanju postupka javne nabavke broj 09-3-02-3022/16 od 28.09.2016. godine, pokrenuo otvoreni postupak za nabavku usluga održavanja opreme poljoprivrednog informacionog sistema – u šest lotova, koji je 28.09.2016. godine, pod brojem 673-1-2-15-3-13/16 objavljen na portalu Agencije za javne nabavke Bosne i Hercegovine i u „Službenom glasniku BiH“, broj 73/16.

U ostavljenom krajnjem roku za dostavljanje ponuda na dan 24.10.2016. godine, Ugovorni organ je, za nabavku LOT 2 - Održavanje software: poljoprivredni registri, blagovremeno zaprimio jednu prihvatljivu ponudu:

- Konzorcij „KING ICT“ d.o.o. Sarajevo - BiH i „KING ICT“ d.o.o. Zagreb - Hrvatska
- ukupna cijena ponude, bez uračunatog PDV= 34.851,20 KM

Prema Zapisniku o ocjeni ponuda i preporuci Komisije za javne nabavke Ugovornog organa, broj KJN-interno-15/16 od 07.11.2016. godine (Veza: gore pomenuta Odluka), koja je izvršila detaljni uvid u dokumentaciju pristige ponude i provjeru njene usklađenosti s tenderskom dokumentacijom, utvrđeno je da dostavljena ponuda zadovoljava sve formalnopravne i tehničke uslove navedene u tenderskoj dokumentaciji.

Shodno navedenom, Komisija za javne nabavke Ugovornog organa je prema utvrđenom kriteriju najniže cijene, član 64. stav (1) tačka b) i u slučaju jedne prihvatljive ponude, član 89. stav (3) Zakona o javnim nabavkama, dala preporuku da se u predmetu javne nabavke usluga – Održavanje software: poljoprivredni registri – LOT 2, donese Odluka o zaključivanju okvirnog sporazuma na period od 12 mjeseci, sa ponuđačem Konzorcij „KING ICT“ d.o.o. Sarajevo - BiH i „KING ICT“ d.o.o. Zagreb - Hrvatska.

Uzimajući u obzir naprijed navedeno, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se u pisanoj formi izjaviti žalba Uredu za razmatranje žalbi Bosne i Hercegovine u roku od 10 dana od dana prijema Odluke, putem ovog Ugovornog organa.



Prilog:

-Zapisnik o ocjeni ponuda

Dostavljeno:

-ponuđaču,

-Sektoru za pravne opće i poslove

-a/a